

CAPS

maskew miller
learning



MOPHATO

3

BUKA
YA PUISO

Platinum

Le Re Tlhabetse

D. G Mongae • E Tukisi • E. M Diphoko

Platinum Le Re Tlhabetse Mophato wa 3 Buka ya Puiso

Maskew Miller Learning
10 Freedom Way, Milnerton, Cape Town, 7441

© Maskew Miller Learning (Pty) Ltd 2022

Ditokelo tsotlhe di sireleditswe. Ga go karolo ya kgatiso e, e e ka boelediwang, ya bolokwa mo mofuteng o o ka tlhagiswang gape ka ona, kgotsa ya gaswa mo sebopepong sengwe le sengwe kgotsa ka mokgwa o o rileng (eleketeroniki, ka motšhine, ka kgatiso kgotsa ka mokgwa o mongwe o o sa dumeletsegeng) ntle le gore go bonwe tumelano e e kwadilweng fa fatshe ya mong wa ditshiamelo tse di sireleditsweng tsa bokwadi pele.

Fa o batla go rebolelwa tetla ya go ka gatisa lekgetlo le lengwe gape kgotsa go dirisa karolo nngwe le nngwe ya buka eno, o kopiwa gore o ikgolaganye le Setlhopho se se reboleanang ka Ditshwanelo le Tetla mo go 021 532 6000 kgotsa ka go romela imeile mo go rightsgranting@mml.co.za.

Kgatiso ya 1 ka 2025

ISBN 978-1-834-96074-6
ePDF ISBN 978-1-834-98630-2

Mophasalatsi Khanga Slinda
E rulagantswe ke Violet Maphefo Sefola
Mothalo wa bokwantle ka MML Visual Design
Botaki jwa bokwantle ka MML
Mothalo wa buka ka MML Visual Design
Botaki ka MML
Thulaganyo ya mokwalo ka Jean-Baptiste Vernel le Natalie McCulloch
E gatisitswe ke

Diteng

Paka 1:

Kgang 1: Nna

Ka ga me (*Kgang ya maitlhamelo*) 2

Kgang 2: Nna

Lesego le ditsala tsa gagwe (*Kgang ya maitlhamelo*) 8

Kgang 3: Nna

Ngwana yo o sa utlweng (*Dintlha tsa nnete*)... 14

Kgang 4: Nna

Ke maswabi, intshwarele tlhe (*Kgang ya maitlhamelo*)..... 20

Kgang 5: Nna

Matsalo a Bonang (*Kgang ya maitlhamelo*) .. 25

Paka 2:

Kgang 6: Mekgwa e e siameng

Mekgwa e e siameng (*Dijo tsa setso*)..... 30

Kgang 7: Mekgwa e e siameng

Botshelo jwa segologolo (*Kgang ya maitlhamelo*)
36

Kgang 8: Mekgwa e e siameng

Maitemogelo ka moaparo le di palangwa
(*Dintlha tsa nnete*) 42

Kgang 9: Mekgwa e e siameng

Ka ga ditshwantsho tsa kgake (*Kgang ya maitlhamelo*)..... 48

Kgang 10: Mekgwa e e siameng

Go rulaganya le go keteka manyalo (*Dintlha tsa nnete*)..... 54

Paka 3:

Kgang 11: Mekgwa e e siameng

Mekgwa ya tlhaeletsano (*Dintlha tsa nnete*) 60

Kgang 12: Mekgwa e e siameng

Mosola wa seyalemoya (*Kgang ya maitlhamelo*)..... 66

Kgang 13: Mekgwa e e siameng

Tiriso ya WhatsApp (*Kgang ya maitlhamelo-Puiso*) 74

Kgang 14: Mekgwa e e siameng

Ditsela tse di maleba tsa puisano (*Puisano*) .82

Kgang 15: Mekgwa e e siameng

Maatla a tlhaeletsano (*Dintlha tsa nnete*) .. 88

Paka 4:

Kgang 16: Nna

Se ke batlang go nna sona (*Kgang ya maitlhamelo*)..... 94

Kgang 17: Mekgwa e e siameng

Go sega sekgala (*Dintlha tsa nnete*) 109

Kgang 18: Mekgwa e e siameng

Malatsi a kgethegileng (*Kgang ya maitlhamelo*)..... 118

Kgang 19: Kwa sekolong

A re bolokeng madi (*Dintlha tsa nnete*)..... 126

Kgang 20: Kwa sekolong

Go dira madi go bonolo (*Kgang ya maitlhamelo*)..... 134

Tlhaloso ya mafoko 142

Paka 1: 1. Ka ga me

Dipotso tsa fa pele ga puiso

1. Bolela selo se le sengwe mo phaphosing se se rulagantsweng go ya ka nako le matsatsi.
2. Bothôkwa jwa nako ke eng?

Ke belegetswe kwa bookelong jwa Job Shimankane Tabane (Rustenburg)

ka 11 mo kgweding ya Ferikgong 2015. Ke ngwana wa bofelo wa ga rre Tebogo le mme Kopano Kgwadi. Ke kolobeditswe mo kerekeng ya URCSA ka 2016. Ke simolotse sekolo ka 2022. Ke mo mophatong wa boraro mo sekolong se sebotlana sa Refatlhogile 2024.

**Kapodisa
modumopuo o**




kgw



2012




2013



2022



2024



**Tswakanya
Medumo**

dia | pa | ro

diaparo

kgw-e-d-i-ng: kgweding
kgw-a-d-i: kgwadi

Nna
Nna ke kgwanyape
Kgwanyape noga sekapula
Nna ke kgwile letselee
Fa o sa ikitse o tla nyelela

Ke tlile ke khuparetse ditalente
Ke di tlhagisa mo pepeneneng
Ke itumedisa ba losika le ditsala
dikgele tsa me ke ntletsentletse
Fa ke gola, di batla go nna
mokwadi wa dibuka, mme ke
kwale dibuka di le dintsi tsa bana.

Ke rata go kwala dibuka.
Leboko le, ke lengwe la a
ke a kwadileng mme la
dira gore ke bone sekgele
sa dibuka di le dintsi.





Ke rata go tsaya maeto a sekolo gonne ke kgona go dira dipatlisiso. Mo ngwageng o o fetileng re ne re ile kwa “Science fair”. Nna, ngwana wa kwa Phokeng, ka itumelela seo thata. E rile ke santse ke ile le monate, ka lemoga fa barutwana ba bangwe ba ile. Ke ne ka kopa thuso mo go mongwe wa badiredi ba koo, mme a nthusa go ba batla go fitlhelela ke ba bona gape.

Ke rata metshameko ya kwa sekolong thata. Tsala ya me Lebogang le ena o rata kgwele ya dinao. A re o eletsa go tshwana le Maradona mo isagong. Nna tota, ke rata “kirikete”. Fa ke le mo lebaleng, ga ke na bothibego.

Dikolo tse di mabapi, re di kgwathisa, e kete re tshameka re le nosi. Mo ngwageng wa ntlha fa sekolong, re fentse kgaisano ya sedika, ra fenywa ya porofense, ra ya go thibiwa kwa makgaolakgannyeng a bosetšhaba.

Dipotso morago ga puiso

1. Kgang e e ka ga mang?
2. Ke mang yo o ratang go tshwana le Maradona?
3. Fa a re ngwaga wa ntlha, o ne a le mo mophatong ofe?

2. Lesego le ditsala tsa gagwe

Dipotso tsa fa pele ga puiso

1. A o kile wa robala kwa bookelong o lwala? Bothata jwa gago e ne e le eng?
2. O ka tshola jang mmele wa gago o itekanetse?
3. Ke eng se o ka se dirang fa o ikutlwa o sa babalesega?



Kapodisa modumopuo o

tlw

Lesego e ne e le ngwana yo o neng a utlwa batsadi ka dinako tsotlhe. Go ne go se na ope yo o neng a na le pelaelo ya gore Lesego a ka fapoga mo tseleng. Letsatsi lengwe o ne a laletsa ditsala tsa gagwe tse pedi, Seipone le Ditiro go ya kwa phakeng morago ga sekolo. Ba ne ba ngwangwaela mme ba tsena ka sekgwa go fitlha ba goroga kwa phakeng.



Jaaka tlwaelo, Lesego o ne a tlogile a tsentse diaparo tsa gagwe tsa kwa gae mo kgetseng ya gagwe ya dibuka. Seipone le Ditiro bona ba ne ba ntse ka diaparo tsa sekolo.

Maikaelelo e ne e le go thuma, ba bo ba boela gae. Ba thumile, ba šapa sememe, ba thwantsha metsi go kgatlha leitlho. Gareng ga boidiidi joo, ga tlhagelela monna mongwe yo o magetla, wa dikgokakgoka. Go mo leba fela mo mathong, o ne o tetesela.

**Kapodisa
lefoko le**

**A
C B**

tlwaelo





Kgaoganyo ka dinoko



batlwa: ba-tlwa

Dimo yo, o ne a bitsa Lesego. Lesego o ne a atamela, a tshogile. Monna o ne a otlolola letsogo go neela Lesego monamone. Sefatlhego sa ga gagwe se ne sa sedimoga fa a bona monamone. A tlhaga a tloatlola ka boitumelo a se huparetse. Ba ne ba batla letlapa go e thuba gonne e ne e batlwa ke botlhe. Mo bosigong jona joo, ga lala go biditswe koloi ya balwetse go tla go rwalela bana kwa bookelong.



Dingaka di ne tsa lemoga fa bana ba jele bothole go tswa mo monamoneng.

Botlhe ba ne ba phoka lefulo ka legano. Lesego o ne a baka go tlhola a sasanka le mafelo a boitapoloso, e bile a se na le motho yo motona. Lesego o ne a lemoga fa matlhale a ja mong-wa-ona mme a se thole a bua maaka. O se ke wa ikanya motho o sa mo itse.

Tswakanya Medumo

dia | pa | ro

diaparo

I-e-g-a-n-o: legano

Dipotso morago ga puiso

1. Ke bana ba ba kae ba ba amegang mo kgannyeng e?
2. Maikaelelo a go ya phakeng e ne e le eng?
3. Ditlamorago tsa maaka a ga Lesego e nnile eng?

3. Ngwana yo o sa utlweng

Dipotso pele ga puiso


1. Neela mafelo a mabedi a o kileng wa bona matshwao a pabalesego mo go ona?
2. Tlhalosa ka dintlha di le pedi gore o ne o wa itlamela jang morago ga go gobala kwa motshamekong?
3. Neela mabaka a le mabedi gore goreng re na le melawana ya metshameko?



**Kapodisa
modumopuo o**

tsh

Amogelang o ne a kgalemiwa gore a tlogele go pagama ditlhare. Jaaka gale a itira kgajwana mo dikaleng tsa setlhare. A tshamekela mo go sona. A tshoswa ke lelobu a sa solofela. A retelelwa ke go phamola dikala tsa setlhare. A sitlhama fa




**Kgaoganyo
ka dinoko**

fatshe: fa-tsh-e



fatshe jaaka ngatana ya dikgong e latlhelwa ke mosadi. A kua gore a utlwe le ke motho yo o kwa moseja ga noka. Rre Oageng a mo isa bookelong ka bene ya gagwe.



Tota bene e, ga se e e ka potlakisetsang molwetse kwa bookelong. Amogelang ke fa a fela pelo mo tseleng gonne a ne a opelwa mo go tthomolang pelo. Dikeledi tsa gagwe di bile tsa kgala. O ne a sala a phaphaletse melomo e kete ga a ise a ke a bone le diyamaleng fa a sale a tsoga. Kwa bofelong gona, ba ne ba goroga.

Amogelang o ne a tshwanelwa ke go ya go dira “X Ray.” Yona e ne ya bontsha fa marapo a sa robega e le fela ditshika tse di utlwileng bothoko. O boile a fapile letsogo ka samente. O tsere dikgwedi di le tharo ka samente seo. Matsatsinyana a, fa a sale a fodile, o boifa le go pagama kgato ya ntlha ya lere. Bookelo ga se botshamekelo.



Kgaoganyo ka dinoko

botshamekelo: bo-tsha-me-ke-lo



Tlhaloso ya mafoko Bontsha- supetsa



Go wa ga Amogelang mo setlhareng ga mo tswela mosola. Kwa bookelong ba mmoditse gore a o itse ka thuso ya potlako. Mooki o ne a mo tthalosetsa gore fa a ka bo a ne a bone mongwe yo o mo thusang fa a sena go gobala, go ka bo go sa tlhokega le gore a tle kwa bookelong. Ba ne ba mo ruta go fapa molwetse ka sepalaka.

Dipotso morago ga puiso

1. Temana e e bua ka mang?
2. Go tlile jang gore Amogelang a we mo setlhareng?
3. A wena o setse o kile wa gobala?
4. O akanya gore dikotsi di le dintsi tse o di boneng mo setshwantshong di tlhōlwa ke eng?

4. Ke maswabi, intshwarele tlhe

Dipotso pele ga puiso

1. A go na le mongwe yo o kileng wa mo utlwisa botlhoko? Tlhalosa gore o ne o dirile eng?
2. A go na le mongwe yo o kileng a go utlwisa botlhoko? Tlhalosa gore o ne a go dirile eng?
3. Goreng go kopa maitshwarêlô go le botlhokwa? Kwala ntlha e le nngwe fela.

Benki ke mosimane yo o ratang kagiso. Ntwa yona, o utlwa e umakiwa. Ka letsatsi lengwe, o ne a ragelana kgwele le Rantebeng. Benki o ne a e raga, Rantebeng a e busa. Benki o ne a re o a boeletsa, ya kgokologeela kwa mmileng.

**Kapodisa
modumopuo o**



tshw



Tswakanya Medumo

dia pa ro

diaparo

n-tw-a: ntw-a

Sejanaga se se tabogileng sa e sugakanya mme ya fela. Benki o ne a tshoga, a leba kwa le kwa, a re “Ranti, ke kopa maitshwarelo”. Rantebeng e ne e kete o batla go fetlha ntw-a, mme a itemogela gore o nosi.



Kapodisa
lefoko le

itswaretse

A
B
C

La mo tlhabela Rantebeng.
Letlapa go tswa mo
seragamajeng sa ga
Rantebeng, la thubakaka letlhabaphefo.

Rre Moeti, o tswile mo ntlong a befile tota.
Rantebeng ena, o ne a tetesela mme a re
“Rre Moeti, ke ikopela maitshwarelo, ke
phoso.” Rre Moeti, a utlwa ka lentswe le le
teteselang leo, a amogela maitshwarelo.
“Ke go itshwaretse mosimane.
Letlhabaphefo ga se botshelo jwa motho”
Ranti a rutega gore fa o dirile phoso, o
tlhoka go kopa maitshwarelo.



Kgaoganyo ka dinoko



maitshwarelo: ma-i-tshw-a-re-lo

Re ithuta dilo tse dintle mo bathong ba bangwe. Rantebeng o ithutile mo go Benki gore go kopa maitshwarelo ga se go inyeneyefatsa. Batho baa go tlotla fa o kgona go bona diphoso tsa gago, o di amogele mme o kope maitshwarelo. Go tloga ka letsatsi leo, Rantebeng o ne a lemoga gore ntwala le bodipa ga di rarabolole mathata.

O ka kopa maitshwarelo jang?

Fa o kopa maitshwarelo, o tshwanetse go ikoba, o supe fa o ipona phoso ka nnete. Gape, o bue nnete ka ga se se diragetseng. O ikopele maitshwarelo kwa ntle ga go dira maipatô ka go bua gore o dirile phoso eo ka ntlha ya motho yo mongwe. Fa o sena go itshwarelwa, leka gore o se tshole o boeletsa phoso eo gape.

**Tswakanya
Medumo**

dia pa ro

diaparo

tshwa-ne-tse: tshwanetse

Dipotso morago ga puiso

1. Fa motho a go leofetse a sa kope maitshwarelo, o ka dira eng?
2. Fa o ne o le rre Moeti, o ne o tllile go dira eng ka Rantebeng?
3. A wena o a ikoba fa o dirile phoso?